



Terenga 4: Hōtaka 35 – mō / i / ki

He Mihi

Kei ngā pōhoi toroa, kei ngā mōtoi kahotea, tauti mai ki te marae o Ako. He kāinga kōrerorero tēnei. Ko te tūmanako he pēnā anō hoki tōu.

Hei Mahi Whakarongo

Kia tahuri ki te whakarongo ki te waiata a Te Whānau a Apanui i tukuna i te Koroneihana o Kīngi Tūheitia. Nō koutou e whakarongo ana, anei ngā pātai hei whakautu:

1. Mō wai te waiata nei?
2. Nō whea te kapa nei?
3. He aha te tohu o te mana Māori motuhake?

He Whakamārama

I ēnei rā, e rangona ana ētehi kōrero e whai ana i te whakatakotoranga reo Pākehā. Ko te pū 'mō' tētehi kupu e kaha tīkina ana e te kaikōrero hei whakamāori noa iho i te kupu 'for' ki te reo Pākehā.

Anei ētehi rerenga kōrero e hapa ana, engari e kaha ana te whakamahia:

1. Tēnā koe/Kia ora mō tēnā. *Thanks for that.*
2. Kia tūpato koe mō tēnā. *Watch out for that.*
3. E tatari ana mō te pahi. *I'm waiting for the bus.*
4. E haere ana mō te horoi. *I'm going for a shower.*
5. E rapu ana ia mō tana hū. *He's looking for his shoe.*

Ki te whāia te whakatakotoranga reo Māori, ka pēnei kē te takoto o ngā rerenga o runga nei:

1. Tēnā koe/Kia ora i tēnā.
2. Kia tūpato ki tēnā.
3. E tatari ana ki te pahi. E tatari ana i te pahi.
4. E haere ana ki te horoi.
5. E rapu ana ia i tana hū.

Hei Mahi

Whakamāoritia ēnei rerenga:

1. I'm taking the dog for a walk.
2. Thanks for coming over.
3. Don't wait for him. Just go for it.
4. Thank you for looking after my dad.

Whakautu:

1. E whakahīkoi ana au i te kurī. E hari ana au i te kurī ki te hīkoi.
2. Tēnā koe i tō haerenga mai. Kia ora i tō haerenga mai.
3. Kua e tatari ki a ia. Karawhiua!
4. Tēnā koe, mōu i tiaki i taku matua.